



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Disputatio Theologica. De modo Ligandi & Absolvendi  
Peccatores Consuetudinarios & Recidivos**

**Joachim <A Jesu-Maria>**

**Namurci, 1693**

§. 6. De occasione proximâ

**urn:nbn:de:hbz:466:1-39165**

*De occasione proximâ*

**C**um præcedentes casus sint de consuetudinariis & recidivis non existentibus in occasione proximâ de hâc restat agendum.

Dicimus existentes in occasione proximâ voluntaria, id est quæ potest deseriri absque peccato aut gravissimo incommodo, puta vitæ periculo, infamiae, &c. posse r. vice absolvî modò occasionem dimittere promittant: sequentibus vicibus, nisi occasio sit relata vel in remotam conversa, debent remitti donec promissioni satisficerint. Existentes verò in occasione proximâ, involuntaria possunt absolvî modo remediis contra illam præscriptis utantur: si ex illis nulla emendatio habeatur, agendum est cum his, scuti cum recidivis.

Audiamus S. Carol. Borrom. Pastorum Inst. c. 16. At verò cum usu venire possit ut ex omnibus, qua solers & circumspectus Confessarius excoxitaverit, nullum remedium potuerit habere, cur pœnitens absque periculo & scandalo magno debeat occasionem præscindere. Utatur Confessarius his viis. Primo absolutionis beneficium eò usque abstrahat, donec emendationis indicia videat: maximè si absolutio citra aliquid per illum vel infamiam procrastinari possit, eaque doloris signa prospiciat, eamque animi dispositionem promptitudinemque suscipiendi omnia,

que

qua pro ejus emendatione necessaria Confessari-  
us judicabit: quo tempore remedia Pœnitentiæ  
hujusmodi proponet, quæ magis opportuna ma-  
gisque necessaria apparebunt, v. g. prescribet  
ei, ne solus unquam cum sola versetur, ut ora-  
tiones augeat, corpus macerationem subeat  
aliquam, quodque præcipuum est ut frequenter  
confiteatur, aliaque similia, quæ si pœnitentia  
recipiat in se poterit absolvitur. Contra vero si ab  
illâ diligentia quam ille vel alius Confessarius  
jam diu adhibuerit, non se emendaverit, non  
absolvatur donec impedimentum superulerit, vel  
nisi quid aliud à nobis acceperit quod convenire  
videatur, ad quos in tali negotio recurret, ut  
factum nobiscum expendat, ITA TAMEN UT  
**NULLA FIAT MENTIO PŒNITENTIS.**

Ultimorum S. Præfulis verborum occasione lugen-  
dum maximè est à charitate & justitia tanti Præfulis  
plures rigidoris praxis Confessarios esse remotissimos,  
omninoque illis oppositos: siquidem audiamus sæ-  
pissimè illos obligare pœnitentes, ut complices sibi  
declarent eosque denuncient superioribus, quod non  
solum contra charitatem & justitiam esse judicamus,  
sed maximè in destructionem Sacramenti Pœnitentiæ  
tendere compertum est.

Ad majorem misericordissimi JESU CHRISTI  
Salvatoris nostri Gloriam.